

PROLOGVS

- Postquam poeta sensit scripturam suam
ab iniquis observari, et advorsarios
rapere in peiorem partem quam acturi sumus,
indicio de se ipse erit, vos eritis iudices
5 laudin an vitio duci factum oporteat. 5
Synapothnescontes Diphili comoedias:
eã Commorientis Plautu' fecit fabulam.
in Graeca adulescens est qui lenoni eripit
meretricem in prima fabula: eum Plautus locum
10 reliquit integrum, eum hic locum sumpsit sibi 10
in Adelphos, verbum de verbo expressum extulit.
eã nos acturi sumu' novam: pernoscite
furtumne factum existumetis an locum
reprehensum qui praeteritu' neglegentiast.
15 nam quod isti dicunt malevoli, homines nobilis 15
hunc adiutare adsidueque una scribere,
quod illi maledictum vehemens esse existumant,
eã laudem hic ducit maxumam quom illis placet
qui vobis univorsis et populo placent,
20 quorum opera in bello in otio in negotio 20
suo quisque tempore usust sine superbia.
de(h)inc ne exspectetis argumentum fabulae,
senes qui primi venient i partem aperient,
in agendo partem ostendent. facite aequanimitas
25 poetae ad scribendum augeat industriam. 25